

Na osnovu člana 21. a u vezi sa članom 27. Zakona o pravobranilaštvu ("Službene novine Kantona Sarajevo"- Novi prečišćeni tekst broj 33/08, 7/12 i 44/16), Skupština Kantona Sarajevo na sjednici održanoj dana 31.10.2017. godine, donijela je

**ODLUKU
O RAZRJEŠENJU DUŽNOSTI ZAMJENIKA
PRAVOBRANIOCA PRAVOBRANILAŠTVA
KANTONA SARAJEVO**

I

Mensura Mostarac, razrješava se dužnosti zamjenika pravobranioca Pravobranilaštva Kantona Sarajevo, radi odlaska u penziju.

II

Mensuri Mostarac vršenje službe prestaje 05.11.2017. godine.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-32183/17	Predsjedateljica
31. oktobra 2017. godine	Skupštine Kantona Sarajevo
Sarajevo	Prof. Ana Babić , s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), a u skladu sa članom 8. Zakona o imovini Kantona Sarajevo ("Službene novine Kantona Sarajevo", broj 6/97), Skupština Kantona Sarajevo, na sjednici održanoj dana 31.10.2017. godine, donijela je

**ODLUKU
O DAVANJU SAGLASNOSTI ZA PRENOS PRAVA
VLASNIŠTVA ZEMLJIŠTA NA DRŽAVU
BOSNU I HERCEGOVINU**

Član 1.

(Prenos prava vlasništva)

Ovom odlukom daje se saglasnost za prenos prava vlasništva zemljišta odnosno parcele označena kao k.č. broj 3552/1 površine 165.656 m² po kulturi pašnjak 6. klase upisana u zemljišnoknjižni izvadak broj zk. ul. 244 K.O. Delijaš na Državu Bosnu i Hercegovinu za potrebe Ministarstvu odbrane Bosne i Hercegovine.

Član 2.

Ovlašćuje se direktor Kantonalnog javnog preduzeća "Sarajevo - šume" d.o.o. Sarajevo mr.sci. Nermin Demirović da potpiše ugovor sa Ministarstvom odbrane Bosne i Hercegovine o prenosu prava vlasništva nekretnine iz člana 1. ove odluke.

Član 3.

(Stupanje na snagu)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-32185/17	Predsjedateljica
31. oktobra 2017. godine	Skupštine Kantona Sarajevo
Sarajevo	Prof. Ana Babić , s. r.

Na osnovu člana 5. stav 1. tačka 7. Odluke o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE" ("Službene novine Kantona Sarajevo", br. 9/04 - Prečišćeni tekst 20/04, 31/07 i 33/07 - Ispravka), člana 11. stav 1. alineja 8. Statuta Fonda Kantona Sarajevo za stipendiranje i

školovanje djece boraca, poginulih boraca i poginulih civila - žrtava rata "IKRE" ("Službene novine Kantona Sarajevo", broj 27/06 i 13/08) i člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćen tekst i 37/14 - Ispravka), i na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 31.10.2017. godine, donijela je

ODLUKU

I

Daje se saglasnost na Izvještaj o radu sa izvještajem o finansijskom poslovanju Fonda Kantona Sarajevo za stipendiranje i školovanje djece boraca, poginulih boraca i poginulih civila - žrtava rata "IKRE" za 2016. godinu.

II

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-32187/17	Predsjedateljica
31. oktobra 2017. godine	Skupštine Kantona Sarajevo
Sarajevo	Prof. Ana Babić , s. r.

Vlada Kantona Sarajevo

Na osnovu člana 26. i 28. stav 1. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 14. stav (2) i 16. stav (3) Zakona o komunalnim djelatnostima ("Službene novine Kantona Sarajevo", br. 14/16, 43/16, 10/17 i 19/17), Vlada Kantona Sarajevo, na 93. vanrednoj sjednici održanoj 29.09.2017. godine, donijela je

UREDBU

**O NAČINU OSTVARIVANJA PRAVA NA NAKNADU ZA
PRIJEVOZ NA POSAO I SA POSLA UPOSLENIKA U
JAVNIM INSTITUCIJAMA, JAVNIM USTANOVAMA,
FONDOVIMA I PREDUZEĆIMA ČIJI JE OSNIVAČ I
SUOSNIVAČ KANTON SARAJEVO**

POGLAVLJE I - OPĆE ODREDBE

Član 1.

Ovom uredbom utvrđuje se način ostvarivanja prava na naknadu za prijevoz na posao i sa posla uposlenika u svim javnim institucijama, javnim ustanovama, fondovima i preduzećima čiji je osnivač i suosnivač Kanton Sarajevo (u daljem tekstu: Kanton).

**POGLAVLJE II - NAČIN OSTVARIVANJA PRAVA NA
NAKNADU**

Član 2.

- (1) Uposleniku iz člana 1. ove uredbe kojem nije organizovan prijevoz na posao i sa posla, a čije je mjesto stanovanja udaljeno od mjesta rada najmanje dva kilometra, najdalje u granicama Kantona, pripada pravo na naknadu za prijevoz na posao i sa posla.
- (2) Naknada iz člana 1. ove uredbe pripada i uposleniku iz člana 1. ove uredbe koji ima prebivalište van granica Kantona, ukoliko dolazi na posao na područje Kantona, a nema organizovan prijevoz na posao i sa posla i čije mjesto stanovanja je udaljeno od mjesta rada najmanje dva kilometra.
- (3) Licu iz stava (2) ovog člana pripada pravo na naknadu za prijevoz na posao i sa posla samo u granicama Kantona.

Član 3.

- (1) Pravo iz člana 2. ove uredbe ostvaruje se isključivo kupovinom mjesečnih kupona ili godišnjih karata za prijevoz kod javnog prijevoznika, za svaki mjesec, osim za mjesec u kojem uposlenik koristi prvi dio godišnjeg odmora.
- (2) Radi ostvarivanja prava na kartu za prijevoz, lica iz člana 2. ove uredbe dužna su poslodavcu dostaviti dokaz o prebivalištu (prijavnica CIPS-a).

POGLAVLJE III - INSPEKCIJSKI NADZOR

Član 4.

Poslove inspeksijskog nadzora nad primjenom ove uredbe obavljat će Kantonalna uprava za inspeksijske poslove - Inspekcija rada.

POGLAVLJE IV - KAZNE NE ODREDBE

Član 5.

- (1) Novčanom kaznom od 500,00 KM do 3.000,00 KM kaznit će se pravno lice za prekršaj ako postupi suprotno odredbama iz člana 3. ove uredbe, a u ponovljenom prekršaju novčanom kaznom od 5.000,00 KM do 10.000,00 KM.
- (2) Novčanom kaznom od 100,00 KM do 1.000,00 KM kaznit će se odgovorno lice u pravnom licu za prekršaj ako postupi suprotno odredbama iz člana 3. ove uredbe, a u ponovljenom prekršaju novčanom kaznom od 1.500,00 KM do 2.000,00 KM.

POGLAVLJE V - PRELAZNE I ZAVRŠNE ODREDBE

Član 6.

Gramatička terminologija korištenja muškog ili ženskog pola podrazumijeva uključivanje oba pola.

Član 7.

Ova Uredba stupa na snagu danom donošenja i objavit će se u "Službenim novinama Kantona Sarajevo".

Broj 02-05-29194-2/17
29. septembra 2017. godine
Sarajevo

Premijer
Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 101. sjednici održanoj 02.11.2017. godine, donijela je

ODLUKU

I

Daje se saglasnost na Kolektivni ugovor o pravima i obavezama poslodavaca i radnika u oblasti zdravstva za područje Kantona Sarajevo.

II

Ovlašćuje se Elmedin Konaković, premijer Kantona Sarajevo, da potpiše Kolektivni ugovor o pravima i obavezama poslodavaca i radnika u oblasti zdravstva za područje Kantona Sarajevo.

III

Ova odluka stupa na snagu danom donošenja.

Broj 02-05-32196-14/17
02. novembra 2017. godine
Sarajevo

Premijer
Elmedin Konaković, s. r.

U vezi sa poglavljem III. člana 2. tačka b) i član 3. Ustava Federacije BiH ("Službene novine Federacije BiH", br. 1/94, 13/97, 16/02, 22/02, 52/02, 18/03, 63/03, 9/04, 20/04, 33/04, 71/05, 72/05 i 88/08) i članom 131. stav 1. tačka b), a u vezi sa članovima 137. i 138. Zakona o radu ("Službene novine Federacije BiH", broj 26/16), Sindikat radnika u zdravstvu u Kantonu Sarajevo (u daljem tekstu: reprezentativni granski sindikat), s jedne strane, i Premijer Kantona Sarajevo (u daljem tekstu: zastupnik poslodavaca) s druge strane, uz prethodnu saglasnost Vlade Kantona Sarajevo, zaključuju

KOLEKTIVNI UGOVOR

**O PRAVIMA I OBAVEZAMA POSLODAVACA I
RADNIKA U OBLASTI ZDRAVSTVA ZA PODRUČJE
KANTONA SARAJEVO**

I. OPĆE ODREDBE

Član 1.

- (1) Kolektivnim ugovorom o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu: Kolektivni ugovor) uređuju se prava i obaveze radnika, te prava i obaveze javno zdravstvene ustanove prema radnicima koji kod njih rade, odnosno prava i obaveze ugovornih strana koje su zaključile ovaj ugovor.
- (2) Kolektivni ugovor se zaključuje i primjenjuje na području Kantona Sarajevo za javno zdravstvene ustanove čiji je osnivač Skupština Kantona Sarajevo.

Član 2.

- (1) Zabranjena je diskriminacija radnika kao i lica koja traže zaposlenje, s obzirom na spol, spolno opredjeljenje, bračno stanje, porodične obaveze, starost, invalidnost, trudnoću, jezik, vjeru, političko i drugo mišljenje, nacionalnu pripadnost, socijalno porijeklo, imovno stanje, rođenje, rasu, boju kože, članstvo ili nečlanstvo u političkim strankama i sindikatima, zdravstveni status ili neko drugo lično svojstvo.
- (2) Djelovanja po osnovu diskriminacije su regulisana članovima 8., 9., 10., 11., 12. i 13. Zakona o radu, te se u slučajevima diskriminacije primjenjuju navedene odredbe Zakona o radu.

Član 3.

- (1) Ovaj kolektivni ugovor obavezuje strane koje su ga zaključile, a u smislu odredbi člana 142. Zakona o radu.
- (2) Prava i obaveze radnika zaposlenih u ustanovama iz stava 2. člana 1. ovog kolektivnog ugovora čine jedinstven sistem, te se odredbe Zakona o radu, propisa donijetih na osnovu Zakona o radu, kao i ovog kolektivnog ugovora primjenjuju neposredno i obavezno za strane potpisnice.
- (3) Izuzetno, od stava 2. ovog člana, ako je neko pravo iz radnog odnosa različito uređeno Zakonom o radu, ovim kolektivnim ugovorom, pojedinačnim kolektivnim ugovorom, pravilnikom o radu ustanove, odnosno ugovorom o radu zaključenim između javne zdravstvene ustanove i radnika, primjenjuje se za radnika najpovoljnije pravo, a u smislu odredbe člana 19. Zakona o radu.
- (4) Finansiranje prava povoljnijih od ovog kolektivnog ugovora, a utvrđenih internim aktima javno zdravstvene ustanove, finansira javno zdravstvena ustanova.

Član 4.

- (1) Strane koje su zaključile ovaj ugovor obavezuju se primjenjivati ga u dobroj vjeri.
- (2) Ako zbog promjena okolnosti koje nisu postojale u trenutku zaključenja ovog kolektivnog ugovora, jedna od strana ne bi mogla neke od odredbi ovog ugovora izvršavati ili bi joj to bilo izuzetno otežano, obavezuju se da neće jednostrano prekršiti ovaj kolektivni ugovor, nego će drugoj ugovornoj strani predložiti izmjene Kolektivnog ugovora, na način i po postupku utvrđenim ovim kolektivnim ugovorom i Zakonom o radu.

Član 5.

Na sva pitanja koja nisu uređena ovim kolektivnim ugovorom, primjenjuje se Zakon o radu, Zakon o zdravstvenoj zaštiti, Zakon o zdravstvenom osiguranju, Zakon o zaštiti na radu, kao i propisi donijeti na osnovu navedenih zakona, te drugi zakoni i propisi.